

MAGKINABUHI DIHA SA UG UBAN SA DIOSNONG TRINIDAD

Mensahe 2

Magkinabuhi diha sa Diosnong Trinidad

(1)

Magpabilin ni Cristo nga Tinuod nga Punoan sa Paras

Basahong Kasulatan: Juan 15:1, 4-5; 1 Juan 2:6, 20, 24, 27; 3:22-24

I. Makita gyod unta nato ang praktikal nga kasinatian sa pagkinabuhi diha sa ug uban sa Diosnong Trinidad—Juan 14:20, 26; 15:26; 2 Cor. 13:14; Efe. 2:18; 3:16-17:

- A. Basahon kalabot sa pagkinabuhi diha sa ug uban sa Diosnong Trinidad ang Ebanghelyo ni Juan—15:1, 4-5.
- B. Ang kamatuoran kalabot sa pagkinabuhi diha sa ug uban sa Diosnong Trinidad gibatbat pag-ayo sa Mga Sulat, ilabi na gyod sa mga sinulat ni Pablo.
- C. Makita nato sa Mga Sulat ang tanang praktikal nga aspeto ug mga detalye sa pagkinabuhi diha sa ug uban sa Diosnong Trinidad.
- D. Madala gyod unta ta nga makasinati sa pagkinabuhi diha sa ug uban sa Diosnong Trinidad.

II. Gisultian ta ni Ginoong Jesus sa Juan 15 nga Siya ang punoan sa paras ug kita ang mga sanga niini—v. 5:

- A. Isip mga sanga sa punoan sa paras, magpabilin gyod ta Niya; magpabilin dayon Siya nato—vv. 4-5.
- B. Ang magpabilin ni Cristo magkinabuhi man diha ni Cristo, ug ang magkinabuhi diha ni Cristo magkinabuhi man diha sa Diosnong Trinidad—Mat. 28:19; 1 Cor. 1:30.
- C. Kanang magpabilin si Cristo sa sulod nato pagpakinabuhi man nato sa Tulo-usang Dios sa sulod nato; kini ang pagkinabuhi uban sa Diosnong Trinidad—Juan 15:4-5; Rom. 8:11; 2 Cor. 13:14.
- D. Magpabilin ngani ta Niya, magkinabuhi ta diha Niya, ug papabilinon ngani nato Siya sa sulod nato, magkinabuhi ta uban Niya—Juan 15:4-5, 7.

III. Magkinabuhi ta diha sa Diosnong Trinidad sa pagpabilin nato ni Cristo nga tinuod nga punoan sa paras—vv. 1, 5:

- A. Ang tinuod nga punoan sa paras ug ang mga sanga niini—si Cristo nga Anak ug ang mga magtutuo diha sa Anak—mao ang organismo sa Tulo-usang Dios sa diosnong pamatigayon nga nagtubo pinaagi sa Iyang kadato ug nagpadayag sa Iyang kinabuhi—1 Tim. 1:4; Efe. 3:9; Juan 15:1, 5:
 1. Ang kagamitan sa tinuod nga punoan sa paras isip timaan sa Anak aron man makabaton ang Tulo-usang Dios og organismo diha sa Anak aron mosanay, mokaylap, ug mahimaya Siya diha sa Iyang diosnong kinabuhi—vv. 8, 16.
 2. Ang Amahan nga tig-atiman maoy tinubdan ug magtutukod; ang Dios nga Anak maoy sentro, pagkalawas, ug pagpadayag; ang Dios nga Espiritu maoy realidad ug pagkaamgo; ug ang mga sanga mao ang Lawas, ang hiniusang pagpadayag—vv. 1, 4-5, 26:
 - a. Gipakalawas diha ni Cristo nga Anak ang tanang pagkamao ug nabatonan sa Amahan ug unya naamgohan diha sa Espiritu nga realidad—16:13-15.
 - b. Giumol kanato, nga mga sanga, ang tanang pagkamao sa Espiritu, aron

mapadayag ug mapamatud-an pinaagi nato; sa ingon niini, mapadayag, makita, ug mahimaya ang nahikay nga Tulo-usang Dios diha sa iglesia—Efe. 3:16-21.

- B. Isip mga sanga sa punoan sa paras, magpabilin gyod ta sa punoan—Juan 15:4-5:
1. Sa pagtuo nato ni Ginoong Jesus, nisanga Siya nganhi nato, ug nahimo tang mga sanga diha Niya—3:15.
 2. May kalabotan sa pagkausa ang maanaa sa Ginoo; may kalabotan sa pakig-ambitay ang magpabilin sa Ginoo—1 Cor. 1:9, 30.
 3. Ang pagpabilin nato ni Cristo nga punoan sa paras nag-agad sa pagkakita nato og tin-awng panan-awon nga mga sanga ta sa punoan sa paras; makita na ngani nato nga mga sanga ta sa punoan sa paras, mintinahon gyod nato ang pakig-ambitay nato ug sa Ginoo—Juan 15:2.
 4. Kinabuhing nagpabilin diha sa Ginoo ang Cristohanong kinabuhi—1 Juan 2:24, 27-28; 4:13:
 - a. Ang pagpabilin nato sa Ginoo pagka-usa ka espiritu man Kaniya—1 Cor. 6:17.
 - b. Kondisyon sa pagpabilin ni Cristo kanato ang pagpabilin nato Kaniya—Juan 15:4a, 5a.
- C. Magpabilin gyod ta sa Ginoo, sa Anak, sa Amahan, ug sa Dios—1 Juan 2:6, 24, 3:22-24:
1. Ang magpabilin ni Cristo magpabilin man sa Ginoo—2:6:
 - a. Ang Ginoo maoy nanag-iya sa tanang butang, nagmando sa tanang butang, ug nagbuot sa tanang butang ug tanang tawo—Bug. 1:5.
 - b. Nagkinabuhi ta diha Niya nga Ginoo sa uniberso—Efe. 1:20-23.
 2. May kalabotan sa pagkaanak ni Cristo ang pagpabilin diha sa Anak—Mat. 3:17; 17:5.
 - a. Ang Anak maoy nakabaton sa kinabuhi ug kinaiya sa Amahan aron magpadayag sa Amahan—Juan 5:26.
 - b. Magpabilin ngani ta sa Anak, makapahimulos ta sa kinabuhi ug kinaiya sa atong Amahan ug sa katungod nga magpadayag Niya ug magpahimulos sa tanang katigayonan Niya—Efe. 1:14.
 3. Nagpabilin sab ta sa Amahan, nga nag-atiman nato sa tanang bahin ug sa tanang butang—1 Juan 2:24:
 - a. Nagpabilin ngani ta sa Anak, nagpabilin sab ta sa Amahan kay usa ra man ang Anak ug ang Amahan—vv. 23-24.
 - b. Nagkinabuhi ngani ta diha sa Tulo-usang Dios, nagkinabuhi ta isip mga anak—Heb. 2:10.
 4. Mga tawo gyod unta ta nga nagpabilin sa Dios—1 Juan 3:24:
 - a. Ang pagpabilin diha sa Dios pagpakabaton man sa pagtuo sa Anak sa Dios ug sa gugma sa Dios nga ihigugma nato sa tanang igsoon—v. 23.
 - b. Nagpabilin ta sa Dios pinaagi sa Espiritu sa Dios; ang nagdugtong nato sa Dios, sa Amahan, sa Anak, sa Ginoo, ug ni Cristo mao ang Espiritu—vv. 22-24.
- D. Nagpabilin ta sa Tulo-usang Dios pinaagi sa pagtudlo sa dihog—2:27:
1. Ang pagdihog mao ang paglihok ug pagbuhat sa nagpuyo sa sulod nga sinagol nga Espiritu, sa malangkobon-sa-tanan nga Espiritung taghatag-ogkinabuhi—v. 20; 1 Cor. 15:45; 2 Cor. 3:6.
 2. Magpabilin ta sa diosnong pakig-ambitay uban ni Cristo sa pagsinati nato sa paghinlo sa dugo sa Ginoo ug sa pag-aplikar sa nagdihog nga Espiritu sa pagkatawo nato sa sulod—Juan 15:4-5; 1 Juan 1:5, 7; 2:20, 27.

3. Si Cristo nga Ulo mao ang Dinihogan ug ang Nagdihog, ug kita ang mga bahin Niya nga nagpahimulos Niya nga pagdihog sa sulod—2 Cor. 1:21-22.
4. Ang pagdihog, nga paglihok ug pagbuhat sa sinagol nga Espiritu sa sulod nato, nagdihog sa Dios kanato aron masuroman ta sa Dios, makapanag-iya sa Dios, ug makasabot sa hunahuna sa Dios; ipalatay sa pagdihog ang hunahuna ni Cristo nga Ulo sa Lawas ngadto sa Iyang mga bahin pinaagi sa sulodnong pagbati, sa sulodnong pamatyag, sa kinabuhi—Sal. 133; 1 Cor. 2:16; Rom. 8:6, 27.
5. Sulodnong pagbati sa kinabuhi ang pagtudlo sa pagdihog sa Espiritu—Buh. 16:6-7; 2 Cor. 2:13.
6. Kon mabatokan na sa krus ang natural nga kinabuhi nato ug kon magpasakop ta sa pagkaulo ni Cristo ug magkinabuhi sa kinabuhi sa Lawas, maato ang pagdihog sa Espiritu ug mapahimuslan nato ang pakig-ambitay sa Lawas—Efe. 4:3-6, 15-16.